

## Von allerhand Arzney/

**A**ls Geschwâr der Zungen ist von mancherley  
ursach/ etwan von einem Fluß herab von dem  
Haupt/ welcher scharff ist/ etwan sonst von etz  
ner scharpffen feuchte/ dem soltu also helfen.  
Zum ersten/ Laß ihm die Haytrader/darnach purgier  
ihn mit diesem Trancß auff einen Morgen früh/ nimb  
Cassie extracte 2.loth/ Aque prunorum/ lactis/ jedes  
ein loth/darnach setz ihm ein Ventosen vnder das Ryn/  
vnd gib/ ihm diese Arzney in den Mund. Nimb Rosen/  
wasser/ Essig/ jedes ein theil/ Nachschattensafft halb  
so viel/damit laß ihn den Mund offft spülen/vnd so du  
meinst / das Geschwâr sey wol zeitig / so gib ihm der  
Latwergen Diamoron genant/zertreiben in Essig / in  
den Mund/ oder Rosenhonig mit Essig vnd Wasser  
geriben. So nun genugsam gereiniget ist/ so gib ihm  
des Tags offft in Mund diese Arzney.

Nimb Tormentill / Salbey / S. Johannis Kraut/  
Schlehenwurtzel/ jedes 1.loth/ das seud in Wein/ vnd  
laß den Stechen in dem Mund halten / so heilet es  
bald.

Aloe mit Wein vnd Honig gestossen/ vnd das in  
dem Mund gehalten/ benimpt die schârpffe auff der  
Zungen oder Zanfleisch.

Gummi Arabicum zertreiben in Wasser/vnd in dem  
Mund gehalten/ benimpt die schârpffe.

Münzen gesotten in Wein / vnd den gehalten in  
dem Mund heilet die Zungen.

Fünfffingerkraut gemischt mit Honig/vnd in dem  
Mund gehalten/ heilet die Zungen.

Item Niesß gemischt mit Honig / vnd in dem  
Mund gehalten/ heilet die Zungen.

## Cap. x. Von dem Durst.

So ein Mensch in einer hitzigen Kranck-  
heit grossen Durst hat.



**L**ib gesotten in Wasser/ vnd getruncken/ benimpt vnd löschet den Durst.

**R**osmarin gesotten in Wasser / vnd seinen Tranck damit gemischt/ vnd Granatapfels schölffen/ vnd die Kern gekiffen vnd gessen/ benimpt den Durst.

**E**rbiß genützt/ benimpt den Durst/ vnd stärcket den Magen vnd die Leber.

**K**ürbwasser gemischt mit Zucker/ vnd das getruncken/ benimpt den Durst.

**R**ichern gesotten in Wasser/ vnd gemischt mit Honig/ *Electuarium de succo Rosarum.*

**K**üthen Latweg genützt/ löschet den Durst/ vnd die feuchte von Küthenkern/ gemischt mit Violsucker vnd genützt/ löschet den Durst.

**C**assia fistula ein wenig eingenommen/ löschet den Durst.

**S**üßholzsafft gemischt mit Dragantum/ vnd also genützt/ oder Pillule daraf gemacht/ vnd eins genossen/ nimpt den Durst.

**J**ohannsträublin genossen/ benemmen den Durst/ auch mag man sie sieden mit Sawrampffer wasser vnd das also genützt.

**S**andel genützt mit Zucker/ benimpt den Durst.

**T**amarinden gesotten in Wasser / vnd das getruncken/ benimpt den Durst.

**H**onighaw genützt mit Kleinen Rosinlein/ benimpt den Durst.

**D**iaprunis/ *Syrupus Violarum* genützt/ seind gut für den Durst.

**T**rein kalt Wasser mit Essig gemischt vnd zu Morgens nüchtern drey Löffel voll genommen/ hilfft wol für den Durst.